



МЕСЯЦА МАЯ В 25-й ДЕНЬ

Третье обрѣтение честнѣя главы
святѣго слѣвнаго пророка,
Предтечи и Крестителя Иоанна

ВЕЧЕР

Поѣм Блажен муж: На Господи, воззвах: стихиры праздника 3 и Предтечи 5. Аще же пост, стихиры на 6, глас 8.

Подобен: О, преславнаго чудесе:

Блаженне Иоанне Предтече, / паче солнечных
луч возсиявши, / облистá от земли главы
твоея / и верныя просвети, / юже яко Божественное
сокровище, имуще, / богатную
благодать почерпаем, / освящающе души, / и теле-
са, и помышления, / и, торжествующе, ты ублажа-
ем.

Благодать неоскудну источаючи, / священная
глава твоя, блаженне Предтече, / священнику
Богомудру, / не ведящу показуется, / иже потщася
верою и благодатию, / явленно творит сея прише-
ствие, / освящаяся с людьми Богомудрыми / веру
православну / тепле утверждающе.

Третье празднуем явление / твоея честнѣя гла-
вы, / юже Троица венчала есть, / усечена бывши,
славне, ревности ради Божественныя; / и обрете-
нием сея радуются / ангельстии чини, / мученик
сословие, Божественнии апостоли и пророцы

вси./ С нѣмиже нас всегда поминай,/ Господень
Предтече.

Слава, глас 6:

Сокровище Божественных даров,/ Богохрани-
мая глава твоя, Предтече,/ от земных недр воз-
сия,/ юже мы верно приемлюще и поклоняющесе,
славне,/ обогащаемся от тебе, Христов Крестите-
лю,/ чудесы преславными / и согрешений прощен-
ием.

**И ныне, праздника. Аще ли пост: И ныне,
Богородичен 1-й. Вход. Прокимен дне.**

Пророчества Исаиина чтение (главы 40, 41, 45 и 48):

Тако глаголет Господь:/ утешайте, утешайте
люди Моя, глаголет Бог:/ священницы, глаголите
в сердца Иерусалиму,/ умолите его, яко умножится
смирение его./ Разрешися бо грех его,/ яко прият
из руки Господни сугуба согрешения своя./ Глас
вопящего в пустыни:/ уготовайте путь Господ-
ень,/ правы творите стези Богу нашему./ На гору
высоку взыди, благовестуй Сиону,/ возвышай
крепостию глас свой, благовестуй Иерусалиму:/
вознесите, не бойтесь, Аз Господь Бог,/ Аз услышу
убогих, Израилев, и не оставлю тех./ Но отверзу от
гор реки / и посреде поля источник сотворю,
пустыни в луг / и жаждущую землю во источник
водных./ Да возвеселится небо свыше, и облацы
да кропят правду,/ да возсияет земля, и да
прозябнет милость,/ и правда да возсияет вкупе./
Глас веселия возвестите, и услышано да будет,/
возвестите даже до конец земли,/ глаголите, яко
избави Господь раба Своего Иакова / и, аще
вжаждут в пустыни, источит им воду из камене./
Возвеселися, неплоды нераждающая, расторгни и
возопий, неболевшая,/ яко многа чада пустыя
паче,/ нежели имущия мужа.

Пророчества Малахиина чтение (глава 3):

Тако глаголет Господь Вседержитель:/ се Аз
посылаю Ангела Моего пред лицом Твоим,/ иже
уготовит путь Твой пред Тобою./ И придет во

храм Свой Господь, Егóже вы ищите, / и кто стерпит день входа Егó? / Занéже томú прийти, яко огонь в горниле / и якоже былие перущих, / и очистит, поядая и очищая яко сребро и злато. / И придет к вам судом, / и будет свидетель скор на лукавыя, и на прелубодейцы, / и на кленущияся именем Моим во лжу, / и на лишаяущия мзды наёмника, / и на насильствующия вдовицы и пхающия сырыя, / и на уклоняющия суд пришельца, / и на небоящияся Егó, / глаголет Господь Вседержитель. / Занé Аз Господь Бог ваш, и не изменю Себé; / и вы, сынове Иаковли, уклонитесь от закона и не сохраните. / Сегó ради обратитесь ко Мне, и обращуся к вам, / глаголет Господь Вседержитель, / и ублажат вас вси языцы, / и разумейте, яко Аз Господь, смотряый посреди праведнаго / и посреди беззаконника в день он, / воньже сотворю снабдение любящим Мя. / Познайте убо и помяните закон Моисеов, раба Моегó, / якоже заповеда вам в Хориве, / ко всему Израилю повеление и оправдание. / И се Аз пошлю вам Илию Фесвитянина, / прежде даже не прийти дню Господню великому, просвещенному, / иже направит сердце отца к сыну и сердце человека ко искреннему своему, / да не, пришед, поражу землю вскоре, / глаголет Господь Вседержитель, Бог Святыи Израилев.

Премудрости Соломóни чтéние (главы 4 и 5):

Праведник, аще постигнет скончатися, в покои будет. / Осудит же праведник умираяй живущия нечестивыя, / узрят бо кончину праведнаго и не разумют, что совещаща о нем, / яко повержет Господь нечестивыя безгласны ниц / и поколеблет их от оснований, / и до послéдняго исчезнут в болéзни, / и пáмять их погíбнет. / Прийдут бо в помышлении согрешений своих ужасни, / и обличит их сопротив беззакония их. / Тогда стáнет в дерзновении мнозе праведник / пред лицем оскорбивших егó и отметающих труды егó. / Видевше же егó, смятутся страхом многим / и ужаснутся о преславном спасении егó. / Рекут бо в себе, кающеся, / и в тесноте дýха воздохнут, и рекут: /

сей бе, егѡже имѣхом нѣкогда в посмѣх / и в прѣтчѣ поношенія, безумнии, / житіе егѡ вменѣхом неистово и кончину егѡ безчестну. / Како вменѣся в сынѣх Бѡжиих и во святѣх жребій егѡ есть? / Убо заблудѣхом от путѣй истиннаго, / и правды свет не облистá нам, и солнце не возсия нам. / Беззаконных исполнимомся стезь и погѣбели / и ходѣхом стезѣй непроходны, / путѣй же Господня не разумѣхом.

На стихѡвне стихиры, глас 1.

Подобен: Небесных чинов:

Приидѣте, торжество Божественное свѣтло совершим: / Свѣта бо свѣтѣльник, / глас же Слѡва, друг Женихов, / великий свѣтѣльник истины / явѣся Креститель Господень, / показав нам святую главу свою.

Стих: Тамо возвращу рог Давидови, / уготовах свѣтѣльник помазанному Моему.

О блуднем беззаконіи Иродова деянія / и прелюбодѣйственныя скверны / беззаконнующа обличил еси, яко проповѣдник чистоты, / во главу усечен был еси, Предтече, / юже благодатию Божественных чудодеяній / верным ныне открыл еси.

Стих: Помяни, Господи, Давида / и всю кротость егѡ.

Якоже Боготочный благодатей источник, / от земных недр источающ чудеса, / главу Предтечеву, / яко сокровище дарований / приемше, от Бѡга явленну, / радостно восхвалим, празднлюбцы.

Слава, глас 2:

Якоже Божественных умыслений, / всечестная рака неизреченнаго существа, / ясно провидѣвшая таинство, глава твоя, / яко от ложесн матерних, от сокровищ земных днесь возсия, / Иоанне всехвальне, / и облаговони всю подсолнечную, освящения проливающая миро, / и мысленно проповѣдающая путь покаянія, / и Спасу всех молящаяся о душах наших.

И ныне, дне или Богородичен.

Тропарь, глас 4:

Яко Божественное сокровище, сокровенное в земли, / Христос откры главую твою нам, пророче и Предтече. / Все убо, сошедшеся в сея обречение, / песньми богоглаголивыми Спаса воспойм, / спасающая нас от тления молитвами твоими.

Слава, и ныне: Ёже от века утаенное: Или праздника.

НА УТРЕНИ

На Бог Господь: аще есть Пятдесятница, тропарь праздника, дважды. Слава, Предтечи. И ныне, праздника. Аще же ни, тропарь Предтечи, дважды. Слава, и ныне, Богородичен.

По 1-й стихологии седален, глас 4.

Подобен: Скоро предварь:

От земли возсиявши, нетленная Предтечева глава лучи испущает исцелений верным, / свыше собирает множество Ангел, / доле созывает человеческий род, / единоголасную возсылати славу Христу Богу.

Слава, и ныне, праздника. Аще ли пост, Слава, и ныне, Богородичен. Подобен:

Дево Всенепорочная, Яже Пресущественнаго Бога рождающая, / со Предтечею Того непрестанно моли / оставление прегрешений, и исправление жития дати нам прежде конца, / верою и любовью поющим Тя по долгу, едина Всепетая.

По 2-й стихологии седален, глас 4.

Подобен: Вознесыйся:

Издавшись, яко злато от руды, / священная твоя глава преславно от незаходимых недр земных, / обогати верных вся мысли разумением Божественным ныне, / покайтесь, вопиющи обычно, / ейже поклоняющеся, Предтече, Христа велегласно верою славим.

Слава, и ныне, праздника или Богородичен:

Иже на престоле Херувимстем седяи и в недрах Отчих водворяяся, / яко на престоле святем седит Своём, Владычице, в недрах Твоих. / Воплощся бо Бог воистинну, воцарися над всеми языки, / и

разумно ныне поим Ему, / Егоче умоли спастися
рабом Твоим.

По полиелѣи седален, глас 4.

Подобен: Явился еси:

Ирод, Предтече, беззаконновав, / честную главу
твою мечем отсече бедне, окаянный, / юже от
любве, вернии, целуем.

Слава, глас 8.

Подобен: Повеленное:

Крестителява глава крисяшеса, яко бисер, в
земли влажней, / и, яко свещник богосветел, укра-
шена, озаряет, чудотворящи миру всему: / яко
утро, возсия всеблаголепно солнцу Предтеча, / и
невечерним светом возвещая паки нам, / се,—
взывая,— Агнец Божий.

И ныне, Богородичен:

Яже непремѣннаго Бога порождающая, / пременя-
емое присно сердце мое грехом и леностию,
прилогми лстываго / утверди, Благая, молитвами
Матерними Твоими, / яко да и аз благодарно
славлю Тя, Богородительнице Марие, / помилуй
стадо Твое, еже стяжала еси, Всенепорочная.

Степенна, первый антифон 4-го гласа. Прокі-
мен, глас 4: Тамо возвращу рог Давидови, / уготовах
свѣтильник помазанному Моему. Стих: Помяни,
Господи, Давида и всю кротость его. Всякое
дыхание: Евангелие от Луки, зачало 31.

По 50-м псалме стихира, глас 6:

Яже первее на блуде, / Иродову беззаконную
нечистоту обличившая, / покаяние же всем пропо-
ведавшая верным, / честная глава Крестителя
Христова, / от сокровищ земных являющаяся, / пред-
лежит верно притекающим к ней, / и прикаса-
ющимся со страхом, / и поклоняющимся любовью
душевною, / дарующая разрешение прегрешѣ-
ний, / прошением подаѣт потребная и велию
милость.

Аще есть 50-ца, канон праздника со ирмосом на
6. Аще ли пост, канон Богородицы со ирмосом на 6
и Предтечи на 8, глас 8.

Песнь 1

Ирмос: Колесницегонителя фараона погрузи / чудотвори иногда / Моисейский жезл, крестообразно поразив / и разделив море, / Израиля же беглеца, пешеходца спасе, / песнь Бóгови воспевающа.

Глас Сло́ва быв, разреши́ безгласие моё, я́ко отцу́ дре́вле, / радостным гласом восхвалити́ ты в настоящее обрѣтение главы́ твоея́, / блаженне Предтече, Небесный челове́че.

На главу́ руку положи́вший, Предтече, Це́ркви Бóжии, / твою́ честную́ главу́, позна́вшую Трои́цы явлѣние, / проявляеши се трѣтие, преявственно освящающую православных собра́ния.

Не терпя́ на мно́зе сокрыва́тися, Госпо́день Предтече, / устрояеши па́ки явитися днесь, / не в ста́мне затворѣн, сребрене же сосу́де в священном мѣсте положѣн, / священноде́йственнику извещѣн.

Ца́рствующий я́ве град ны́не приѣмлет священны́й дар, / и́же пре́жде лишѣн быв главы́ твоея́, Предтече, / тоя́ вхо́дом крася́ся, ны́не радуется и достодо́лжно ублажа́ет тя.

Богородичен: От чре́ва непло́дныя прозя́бл еси́, / гото́вя Творцу́ сло́вом пу́ти, всехва́льне, / от Де́вы возсия́вшему Пресвяты́я несказанно, / Ю́же Богороди́цу ве́дуще, вси ро́ди, ублажа́ем.

Катавасия пра́здника, а́ще ли пост: Отве́рзу уста́ моя́:

Песнь 3

Ирмос: Небеснаго крúга Верхотворче, Гóсподи, / и Це́ркве Зиждителю, / Ты мене́ утверди́ в любви́ Твое́й, / желаний кра́ю, ве́рных утвержде́ние, / Еди́не Человеколю́бче.

Блúдным пляса́нием, священная́ глава́ твоя́, / скверней женѣ вдана́ б́вши, рука́ма ноша́шеся, / ны́не же целомудренно священноде́йственника длáньми / священно во святу́ю це́рковь вно́сится.

Благочестно сретáет тя ве́рных совокуплѣние, / с священноде́йственником же ца́рь, сла́вне Предтече, пою́ще радостию, / и предвара́ет тя любóвию, освяща́емь прише́ствием тво́йм.

От незаходимых священных, яко светозарное солнце, / священнейшая глава твоя возсиявши, всю просвети вселенную, / пророче Христов и Предтече, Божественными светлостми.

Богородичен: От неплодных чресл светоявленна возсиял еси звезда Солнца славы, / предходяй Возсиявшего от Девическа облака, Крестителю, / и разрешшаго ночь многобожную.

Кондак и йкос праздника.

Таже седален, глас 4.

Подобен: Вознесийся:

Издавшись, яко злато от руды, / священная твоя глава преславно от незаходимых недр земных, / обогати, Христов Крестителю, всех притекающих в тоя обречение, / песнями величающих Спаса и Зиждителя, / подающего нам тебе ради велию милость.

Слава Отцу и Сыну и Святому Духу:

Пророче Божий и Предтече благодати, / главу твою, яко шипок священнейший, от земли обреще, / исцеления всегда приемлем, / ибо паки, якоже прежде, / в мире проповедуеши покаяние.

И ныне, праздника или Богородичен:

Грехолюбив сый, молю Тя, / безгрешнаго Бога рождшую, вземлющаго грехи мира, Пречистая, / многогрешную душу мою ущедрити и грехи моя многия очистити: / грешных бо Ты еси очищение, и спасение верных, и заступление.

Аще ли пост, седальны точною святаго Иоанна. И ныне, Богородичен.

Песнь 4

Ирмос: Услышах, Господи, / смотрения Твоего таинство, / разумех дела Твоя / и прославих Твое Божество.

Пророков яко превышший, Прореченнаго видети сподобился еси, / Илииною предыдй силою пред Ним, блаженне Предтече.

Преславную главу твою, миры исцелений источающую, / третие уже явил еси, смрадные страсти отгоняющую.

Не в стáмне, я́коже пёрвее, в сосúде же срёбре-
не погребёна / явля́ется глава́ тво́я в свяще́нном
ме́сте, досточúдне.

Соше́дшеся, почерпíте вси исцелёния неисто-
щíмая от исто́чника издава́ема, / честны́я главы́
Предте́чи Христо́ва.

Богорóдичен: Смирíвшася спасí мя, высоко-
мúдренно пожившаго, / рóждшая Вознёсшаго сми-
рившееся естество́, Пречíстая.

Песнь 5

Ирмо́с: Вскúю мя отрíнул еси́ / от лица́ Твоего́,
Свете незаходíмый, / и покры́ла мя есть чужда́я
тьма, ока́яннаго? / Но обрати́ мя и к свёту за́пове-
дей Твои́х / путí мой напра́ви, молю́ся.

Я́ко ходата́й вётхаго и но́ваго быв свяще́ней-
ший, / ходата́йствы Божёственными на́ше обвет-
ша́ние обновí, / обновлénие соверша́ющих но́вым
явлénием главы́ твое́я, блаже́нне Предте́че.

От Кома́н принёсшую благодáть исцелёний
главу́ твою́ к Ца́рскому гра́ду, Предте́че, / созыва́-
еши гра́ды днесь к то́я прише́ствию: / собира́ются
вёрных мно́жества, просвещéния нетлénнаго ис-
полня́еми.

Ца́рь входу́ главы́ твое́я мно́жае, не́же багряни́-
це, раду́ется, / свяще́нник же, Божёственный
Богонóсца тезоименíтый, Предте́че, / длáньми сию́
обдержá, соблагословля́ет, благословя́ вёрных
совершенство́ва.

Богорóдичен: Влады́ку рóждши, яв́илася еси́
превёшшая Го́рних сил / и земны́х естество́ бого-
содёлала еси́, Отрокови́це Всенепоро́чная. / Тёмже
Богорóдицу всейстинную душо́ю и язы́ком, вёр-
нии, Тя, Дёво, сла́вим.

Песнь 6

Ирмо́с: Очи́сти мя, Спа́се, / мно́га бо беззакóния
мо́я, / и из глубины́ зол возведí, молю́ся, / к Тебе́ бо
возопíх, и услы́ши мя, / Бо́же спасéния моего́.

Истина́ от земли́, / глава́ возсия́вшая Крестíteля
Твоего́, Христé, лжу́ отгна́, / ересей разорí горь-
кую зíму и мир просветíла есть.

Почерпíте просвещéние, и благодáть Бо́жию, и

мѣлость / и главѣ, и дѹши освятѣте, главѣ прикоснѹвшесѣ Предтѣчи благодѣти, / Божѣственному верху прикоснѹвшасѣ в водахъ.

Главѣ враговъ под нѣзе сокрушити вѣинству нашему, моли сѣ, Предтѣче, / любѣвию честнѹю твою главѹ чтѹщему, / Йрода обличѣвшю.

Богорѣдичен: Сѹщим во аде Свет проповѣдал есѣ, / приходѣщаго от кровей Девическихъ, плѣтию обложѣна бѣвша Человѣка, / на благодеѣние чело-вѣковъ, блаженне Предтѣче.

Кондакъ, глас 6.

Подобен: Ёже о нас:

Светоявлѣнный и Божѣственный в мѣре столп, / сѣлнца светѣльник, / Предтѣча, главѹ светѣноснѹю и Божѣственную свою показавѣи в концѣхъ, / освящѣет той вѣрно поклонѣющихся и взывѣющихъ: / Христѣв премѹдрый Крестѣтелю, спасѣи всехъ насъ.

Икос:

От землѣи, якоже истѣчник рѣйский, / главѣ боголюбѣвая Предтѣчева струѣ испущѣет благодѣти / и чудесъ тѣки подавѣет всемъ трѣбующимъ. / Пристѹпим ѹбо вси, почерпѣм усѣрдно исцелѣний Божѣственныя сѣя потѣки: / напоѣет бо дѹши даровѣнии непрестѣнными, и потоплѣет телѣсныя болѣзни, / и всякъ недѹгъ благовременне отѣмлет. / Сѣю ѹбо воспоѣм любѣвию, и целѹем вѣрою, чѣстно обლობызѣюще, / и пѣсньми, яко венцѣи, сѣю, вѣрнии, венчѣем. / Предочѣстимъ наша сквѣрны мѣсленныя, / и Божѣственными добродѣтельми украсѣм дѹши и вопѣемъ твѣрдо: / Христѣв премѹдрый Крестѣтелю, спасѣи всехъ насъ.

Песнь 7

Ирмос: От Иудѣи дошѣдше, ѣтроцы / в Вавилѣне иногда / вѣрою Трѣическою плѣмень пѣщный попраша, поѣюще: / отцѣв Бѣже, благословѣн есѣи.

Сѣлнца слѣвы пресвѣтлѣй свѣщникъ был есѣи, Предтѣче, / тѣмѹ отгонѣя лѣсти и просвещѣя вѣрою зовѹщихъ: / отѣцъ нашихъ Бѣже, благословѣн есѣи.

Прѣздникъ молѣбенъ Честная Цѣрковь сѣи, Предтѣче, свѣтло совершѣет, / главѹ твою чтѹщи и

обычно зовуци: / отец наших Бóже, благословен еси.

Провозвестил еси Слóва страшное пришествие Божественными игрании, / возвещаети твоея главы обречение, пророче, / неложными усты ты желающему тепле священнодейственному пастырю.

Богородичен: Девство и рождество паче естества и слова в Тебе стечеса, / Бóга бо воплощенна родила еси несказанно, Богородице, / Емуже поем: отец наших Бóже, благословен еси.

Песнь 8

Ирмос: *Седмерицею пещь / халдейский мучитель / Богочестивым неистовно разжже / силою же лучшею спасены, сия виде, / Творцу и Избавителю вопияше: / отроцы, благословите, / священницы, воспойте, / людие, превозносите во вся веки.*

Креститель и Предтеча, земный Ангел, беззакония известный укоризник, / Троицы явление прежде видяй, третие являет главу свою всем, любовью поющим: / священницы, благословите, людие, превозносите Христа во веки.

Сретает усердно тебе царь кротчайший вкупе со христоролюбивыми людьми, прехвальне, / пастырей же первейший простирает руке к тебе, / и, свой прилагая перси, играет с веселием, и вопиет благодарно: / людие, превозносите Христа во веки.

Паче злата глава твоя просиявши, Предтече, / сокровиществованна в серебряных сосудех, / яко богатство многоценно, Царскому граду дадеся. / Тоя дарования богатя Божественными, усердно поет: / священницы, благословите, людие, превозносите Христа во веки.

Богородичен: **В**о чреве носимому, всяческая носящему, / блаженне Иоанне, поклонился еси, радуясь, / во чреве кривом неплотнем, прехвальне. / Егоже, рождшася от Святыя Девы, Агнца Божия проповедавая, благочестно возопил еси: / людие, превозносите во вся веки.

Песнь 9

Ирмос: Устрашися всяк слух / неизреченна Божия снизхождения, / яко Вышний волею сниде даже и до плоти, / от Девическаго чрева быв Человек. / Темже Пречистую Богородицу, вернии, величаем.

Неплodный преподобен плод, в рожденных женами превышший, / Царя Христа воин, великий Предтеча, / проповедавый Агнца, мира прегрешения вземлющаго, / да восхвалятся священными песнями.

Чашу исполнив богато, / созываеши с высоким проповеданием Церковь Христова обретенном главы, Предтече: / приидите, насытитесь пития красных, ихже уготовах, / и возвеличите Сущаго, человеком подаемаго.

Царь ты, Ангеле Божий, ангелоименитый в свое царство, радуясь, приемлет, / сослужащаго с сим добрейша пастыреначальника благочестно / и званием, и благодатию украшаема яве Богоноснаго священника и Богомудреннаго.

Облистал еси Божественное просвещение главы твоея входом, славне, / и уяснил еси верных сердца, вопиющих ти: / Солнца незаходимый светильниче, всесвятый Предтече, / страстей мглы нас, и весь град, и люди избави.

Богородичен: Пощади мя, Спасе, рождейся и сохраняй рождшую Тя нетленну по рождестве, / егда сядеши судити делом моим, беззакония презри и грехи моя, / яко безгрешен и милостив Бог и Человеколюбец.

Светилен.

Подобен: Посетил ны:

Не терпяше на мнозе крыти земля главы твою, якоже глас вопиющаго; / ты обречение ея образом неким возвестил еси, Предтече Иоанне, / воньже ты почитаем.

Слава:

Подобен: Со ученики:

Во обретеннии, Предтече, честныя твоея главы / царь христоробивый множае радовашеся, якоже о своей царской порфире. / Егоже возмездия

побѣдами свѣше укрепляемъ, и нас соблюди,/ покрый твоими молитвами, Крестителю прехвальне Иоанне,/ светло празднующих и любовью тя чтущих.

И ныне, праздника или Богородичен:

На Тя с Богом уповаем, Пречистая,/ из Тебѣ прошедшему, сраспинаемии Христу,/ Твоими к Немѹ мольбами неврѣдны до конца ны сохрани.

На хвалитех стихирѹ на 4, глас 5.

Подобен: Радуйся:

Радуйся, священная главѣ, и светонѣсная,/ и Ангелом говѣйная,/ яже мечѣм усѣчена дрѣвле / и острыми обличеными нечистоты студ посѣкшая,/ источник чудес, верныя напаяюща,/ и яже Спасово спасительное пришествие возвестившая,/ и наитие Духа дрѣвле увидевшая,/ к Семѹ всельшаяся,/ ветхой же и новой ходатайствовавшая благодати:/ Христа умоли, душам нашим даровати велию милость.

В сосуде скудельне / сокровѣнная иногда Предтечева глава явися,/ от земных недр издавшаяся явственне / и чудес струи источающая:/ ибо в водах главѹ омы / превыспренняя ныне покрывающаго водами / и одождяющаго человеком Божественное оставление. / Сию ѹбо ублажим, воистинну преславно,/ и в сея обрѣтении радостно празднуем,/ Христа моляще даровати душам нашим велию милость.

Глава, яже Агнца Божия воспроповѣдавшая,/ плотию явльшагося,/ и всем покаяния спасительныя путѹ / Божественными заповѣдями известившая,/ яже прежде Иродово законопреступление обличившая,/ и сего ради отсѣчена от телесе,/ и на время подъемшая сокровѣние,/ якоже светоявленное нам возсия солнце,/ покайтесь,—вопиющая,— / и ко Христу ныне приложитесь во умилении душевнем,/ подающему миру велию милость.

Слава, глас 6:

Всечестную главѹ Крестителя Твоего, Господи,/ явльшуюся днесь от земли,/ со гласом хваления

приёмшии вѣрно, / в мольбу, Человеколюбче, / грѣшнии рабѣ Твоѣ, приводяще, молимся, / тоя ради уллучити в День судá от Тебѣ / очищѣние и велию мѣлость.

И ныне, праздника или Богородичен.

Славословіе великое. По трисвятѣм тропарь Предтечи. Слава, и ныне, праздника или Богородичен: Еже от вѣка: Ектений. И отпу́ст.

НА ЛИТУРГІИ

Блаженны, от канѣна Предтечи пѣсни 3-я и 6-я. Прокімен, глас 7: Возвеселѣтся праведник о Господѣ / и уповает на Него. Стих: Услыши, Бже, глас мой, вневгда моли ми ся к Тебѣ. Апѣстол к Коринфяном, зачало 176. Аллилуія, глас 5: Свет возсия праведнику: Стих: Истина от земли возсия, / и правда с Небесѣ приниче. Евангелие от Матфея, зачало 40. Причáстен: В пáмьятъ вѣчную бѣдет праведник:

Молитва

Крестителю Христов, проповѣдниче покаянія, кающагося не презри мене, но, совокупляясь с вои Небесными, молися ко Владыцѣ за мене, недостойнаго, унылаго, немощнаго и печальнаго, во многія бѣды впáдшаго, утружденнаго бурными помыслы ума моего. Аз бо есмь вертеп злых дел, отнюдь не имей конца греховному обычаю, пригвожден бо есть ум мой земнымъ вещем. Что сотворю, не вем, и к кому прибегну, да спасена бѣдет душа моя, токмо к тебѣ, святый Иоанне, благодати тезоимените, яко ты пред Господем, по Богородице, вем больша быти рожденных всех: ты бо сподобился еси коснуться верху Царя Христа, вземлющаго грехи мира, Агнца Божия. Егѣже моли за грешную мою душу, да понѣ отныне, в первый-надесять час, понесу тяготу благую и приму мзду с последними. Ей, Крестителю Христов, честный Предтече, крайний пророче, первый во благодати мучениче, постников и пустынников наставниче, чистоты учителю и ближний друже Христов, ты молю, к тебѣ прибегаю, не отрини мене от твоего заступления, но возстави мя, падшагося многими грехи,

обнові дѹшу мою покаянiем, яко вторымъ крещенiем, понѣже обоего начальникъ еси, крещенiемъ омываяя грехъ, покаянiе же проповѣдуяя во очищенiе когѡждо делъ скверныхъ; очисти убо мя, грехми оскверненнаго, и понуди внити, а може ничто же скверно входитъ, в Царствiе Небесное.
А мiнь.

зри Аще случитъся обрѣтенiе главы Иоанна Предтечи в неделю 7-ю по Пасце, святыхъ отцевъ:

Оставляется служба праздника Вознесения, и поется служба воскресна, и Предтечи, и святыхъ отцевъ. В субботу на малой вечерни поемъ, якоже указася во главѣ Богослова. На велицей вечерни по обычной кафизме, на Господи, **воззвахъ: стихиры воскресны 3, и Предтечи 3, и святыхъ отцевъ 4. Слава, отцевъ. И ныне, Богородичен воскресный гласа.** По входе чтенiя отцевъ и Предтечи. На литии стихира храма и Предтечи хвалитны. **Слава, отцевъ. И ныне, Богородичен.** На стиховне воскресны. **Слава, отцевъ. И ныне, Богородичен.** На благословенii хлѣбовъ, тропарь, Богородице Дѣво: дважды, и отцевъ, единойды, и чтенiе в Деянныхъ апостольскихъ. На утрени на Бог Господь: тропарь воскресный и отцевъ. **Слава, Предтечи. И ныне, Богородичен.** По кафизмахъ седальны воскресны и чтенiе во Евангелии. Таже полиелей и седальны Предтечи, оба по единойды, без Богородичновъ. **Слава, седален, иже по полиелеи. И ныне, Богородичен и чтенiе Предтечи.** Прочее же поемъ на утрени, и на часехъ, и на Литургии, якоже указася во главѣ Богослове.

зри Подобаетъ ведати: Аще случитъся память обрѣтенiя честныя главы в субботу Пятидесятную или в неделю Пятидесятную, поемъ службу его в четвертокъ 7-я недели.

зри Аще ли же случитъся обрѣтенiе честныя главы Иоанна Предтечи в понедельникъ Пятидесятный, поемъ на утрени во вторникъ, с праздничною службою вкупе.

М Аще ли случитъся обрѣтенiе главы Предтечевой в пятъкъ седмыя недели по Пасце, во отданiе Вознесения Христова, или в субботу предъ неделю всехъ святыхъ, во отданiе праздника Пятидесятницы. И поемъ службу его наряду в субботу, вкупе со отданiемъ праздника. В пятъкъ вечера поемъ Блаженъ мужъ: 1-ю Славу. На Господи, **воззвахъ: стихиры праздника, на 6, и святаго, на 4. Слава, святаго. И ныне, праздника.** Входъ, прокименъ дне и чтенiя святаго 3. На литии стихиры праздника и святаго стиховныя. **Слава, святаго. И ныне, праздника.** На стиховне стихиры праздника, с припевами ихъ. **Слава, святаго. И ныне, праздника.** По трисвятомъ тропарь святаго. **Слава, и ныне, праздника. И отпуст.**

На ўтрени, на Бог Господь: тропарь праздника, дважды. Слава, святого. И ныне, праздника. По кафизмах седальны и чтение праздника, полиелей и седальны святого вси. Слава, седален, по полиелеи святого. И ныне, праздника, и чтение святого. Степенна, 1-й антифон 4-го гласа. Прокимен и Евангелие святого. Псалом 50 и стихира святого. Канон праздника со ирмосом на 6, и святого на 4, и другой праздника на 4. Катавасия праздника. По 3-й песни кондак святого, и йкос, и седален святого, дважды. Слава, и ныне, праздника и чтение святого. По 6-й песни кондак праздника и йкос. На 9-й песни Честнейшую: не поем, светилен праздника. Слава, святого. И ныне, праздника. На хвалитех стихиры праздника 3 и святого 3. Слава, святого. И ныне, праздника. Слословие великое. По трисвятом тропарь святого. Слава, и ныне, праздника. Ектений, и отпуст. И час 1-й. На часех тропарь праздника. Слава, святого. И ныне, Богородичен часов. По Отче наш: кондаки переменем праздника и святого. На Литургии: Блаженны праздника, песнь 9-я на 4, и святого песнь 3-я, на 4. По входе тропарь праздника и святого. Слава, кондак святого. И ныне, праздника. Прокимен, аллилуия, и причастен праздника, и святого. Апостол и Евангелие дне и святого.

О том же празднице подобает ведати: Аще случится обречение честныя главы Предтечевы в неделю всех святых, поем службу его в пятък. Аще ли коего великаго святого, ему же во уставе укажется бдение, поем службу великаго святого в настоящую сию неделю всех святых, якоже Иоанна Богослова, в 7-ю неделю по Пасце, со святыми отцы в рядю, такоже и zde поется.

Третье обречение честной главы святого Пророка, Предтечи и Крестителя Господня Иоанна было около 850 года (сведения о Первом и Втором обречении помещены 24 февраля). Во время волнений в Константинополе, в связи с ссылкой святителя Иоанна Златоуста (память 13 ноября) глава святого Иоанна Предтечи была перенесена в город Емесу. Оттуда во время набегов сарацин ее перенесли (около 810—820 гг.) в Коману и там в период иконоборческих гонений скрыли в земле. Когда иконопочитание было восстановлено, Патриарху Игнатию

(847—857) во время ночной молитвы было указано в видении место, где скрыта глава святого Иоанна Предтечи. Первосвятитель сообщил об этом императору, который послал посольство в Коману, где около 850 года глава была в третий раз обречена в указанном Патриархом месте. Позже глава вновь была перенесена в Константинополь и там 25 мая положена в придворной церкви. Часть святой главы находится на Афоне. В память Третьего обречения главы Крестителя Господня Иоанна празднование Православной Церковью совершается 25 мая.

